



স্বরাষ্ট্র মন্ত্রক

লোকসভায় অতি গুরুত্বপূর্ণ ব্যক্তিবর্গের নিরাপত্তা ব্যবস্থার তথ্য প্রদান পুলিশ গবেষণা ও বিকাশ ব্যুরো প্রকাশিত এই তথ্যে আরো জানানো হয়েছে, কেন্দ্রীয় নিরাপত্তা সংস্থাসমূহের পক্ষে হুমকি যাচাইকরণের ভিত্তিতে নিরাপত্তার ব্যবস্থা করা হয়ে থাকে।

Posted On: 12 APR 2017 11:37AM by PIB Kolkata

পুলিশ সংগঠন সমূহের তথ্য অনুযায়ী দেশের প্রতি এক লক্ষ জনগণের জন্য ১লা জানুয়ারী, ২০১৬-র হিসেবে ১৮০.৫৯ জন পুলিশকর্মী নিয়োজিত আছেন। পুলিশ গবেষণা ও বিকাশ ব্যুরো প্রকাশিত এই তথ্যে আরো জানানো হয়েছে, কেন্দ্রীয় নিরাপত্তা সংস্থাসমূহের পক্ষে হুমকি যাচাইকরণের ভিত্তিতে নিরাপত্তার ব্যবস্থা করা হয়ে থাকে। তবে সময়ে-সময়ে পর্যালোচনার নিরিখে সংশ্লিষ্ট নিরাপত্তা প্রদানের বিষয়টি অব্যাহত থাকে বা বাড়ানো হয় অথবা তুলে নেওয়া হয়। তবে সুরক্ষা ব্যবস্থার আওতাধীন ব্যক্তিদের সংখ্যা ও অন্য গুরুত্বের নিরিখে বিভিন্ন পর্যায়ে কেন্দ্রীয় নিরাপত্তা প্রদানের তালিকা তৈরী করা হয়। সেই তালিকা অনুযায়ী জেড প্লাস পর্যায়ের নিরাপত্তা পাচ্ছেন ২৬ জন। জেড পর্যায়ের নিরাপত্তার আওতায় আছেন ৫৮ জন। ১৪৪ জন পাচ্ছেন ওয়াই প্লাস নিরাপত্তা। ২ জনের জন্য বরাদ্দ রয়েছে ওয়াই স্ক্রের নিরাপত্তা। ৬৮ জনকে দেওয়া হচ্ছে এক্স পর্যায়ের নিরাপত্তা। মোট ২৯৮ জনের মধ্যে জেড প্লাস স্ক্রের নিরাপত্তা প্রাপকদের ১৪ জনের জন্য জাতীয় নিরাপত্তা রক্ষী বাহিনী এন.এস.জি.-র ৫৫১ জন কর্মী নিয়োজিত আছেন। তবে এই নিরাপত্তার সুনির্দিষ্ট খরচের হিসেব দেওয়াটা সমস্যার বলে মঙ্গলবার লোকসভায় দুই সাংসদের প্রশ্নে লিখিতভাবে জানান, কেন্দ্রীয় গৃহবিষয়ক প্রতিমন্ত্রী শ্রী হংসরাজ গঙ্গারাম আহির। অন্য পর্যায়ের নিরাপত্তা প্রাপকদের ক্ষেত্রেও সংশ্লিষ্ট বিষয়ের 'ইয়েলো বুক' উল্লিখিত 'ব্যক্তিবর্গের সুরক্ষায় নিরাপত্তা ব্যবস্থা' শীর্ষক নির্দেশিকা অনুসারে নিরাপত্তা প্রদানের ব্যবস্থা করা হয়। কেন্দ্রীয়মন্ত্রী, রাজ্যগুলির মুখ্যমন্ত্রী ও সুপ্রিমকোর্ট এবং হাইকোর্টের বিচারপতিদের মত কঠোর ও ভেদাভেদ না করে সিদ্ধান্ত নেওয়ার দায়বদ্ধতায়ুক্ত ব্যক্তিদের সর্বোচ্চ পর্যায়ের নিরাপত্তা প্রদান করা হয়। এক্ষেত্রে সংশ্লিষ্টদের দায়িত্ব থেকে অব্যাহতি পাওয়ার পর মুহূর্তেই সেই নিরাপত্তা ব্যবস্থা প্রত্যাহত হয়ে থাকে বলেও শ্রী আহির তাঁর জবাবে উল্লেখ করেন।

(Release ID: 1487759) Visitor Counter : 8

Background release reference

পুলিশ সংগঠন সমূহের তথ্য অনুযায়ী দেশের প্রতি এক লক্ষ জনগণের জন্য ১লা জানুয়ারী, ২০১৬-র হিসেবে ১৮০.৫৯ জন পুলিশকর্মী নিয়োজিত আছেন।

